

Газет 2001-йисан  
ноябрдилай акъатзава

РД - дин Докъузпара райондин общественно-политический газет.  
Общественно-политическая газета Докузпаринского района РД.

# Эренлардин СЕС

№35 (860) 29-август, арбе, 2018-йис. Газетдин са экз. кьимет киоскрай - 10 манат

РАЙАДМИНИСТРАЦИЯДА


## Нубатдин совещание

27-августдиз Докъузпара райондин администрацияда райондин Кьил Абдурагьим Алискерова нубатдин совещание кьиле тухвана. Адан кьвалахда райондин кьилин заместителри, идарайринни тешкилатрин жавабдар кьуллугъчийри, райондин Собранидин председателди ва масабуру иштиракна.

Совещание райондин Кьил Абдурагьим Алискерова ачухна ва иштиракчийр йикъан месэлайрихъ галаз танишарна.

3-кварталдиз чилерин, кьвалерин рекъай кьватнавай налогрин гьакъиндай экономикадин отделдин начальникдин заместитель Вулудин Мегьамедханова кьейдна. Ада малумарайвал, эменнидин ва чилин налогар кьватнавайди тестиьарнавай хуьрерни ава, гьеле и кар тамамдиз кьилиз акъуд тавунвайбурни. Санлай кьачурла, районда налогар кьватлунин кар са гьалда кьиле физва.

Райондин кьилин заместитель Салигъ Гьажимурадова 2018-2019-цйи келунин йисаз мектебар гьикл гьазур хьанватла ихтилатна. Малумарайвал, цаяр кьунин хатасузвили кьвалахар вири мектебра акьалтларнава ва алай вахтунда мектебрин бязи чкайрал



видеокамераяр тайинарунин кьвалах кьиле физва.

- «Санлай кьачурла, райондин вири мектебар цйи келунин йисаз гьазур хьанва лагъайтла жеда. Гьа са вахтунда кьетлендаказ кьейд ийиз кьанзава хьи, райондин гзаф мектебра муаллимар бес жезвач. Муаллимар бес тахьунин четин месэла иллаки Каракуьре хуьруьн юкъван умуми образованидин мектебда арадал атанва. И кардихъ галаз алакьалу яз чна райондин информациядин вири такьатра муаллимар герекзавайдакай малуматар ганва», - лагъана Салигъ Гьажимурадова.

Райондин образованидин управленидин начальник Гьвейибег

Шагьвеледова алава хьувурвал, мектебар ктабралдини бес кьадарда таьмин туш. Санлай кьачурла, райондин мектебар 70-75 процентдин таьмин я.

Совещанидин эхирдай Абдурагьим Алискерова Авадан хуьруьн администрациядин кьилин заместитель Салаудин Рамазановавай и хуьруьн кьенепатан рекьериз чиргъ вегьинин кьвалахар гьикл кьиле физватла хабар кьуна. С. Рамазанова малумарайвал, алай вахтунда рекьериз 50 рейс вегьенва ва и кьвалахар давам жезва.

Жуьреба-жуьре месэлаяр веревирд авуналди, нубатдин совещанидин кьвалах куьтягъ хьана.

Вадим АГЪАМУРАДОВ

## Муаллимрин августдин совещание



28-августдиз Докъузпара райондин администрациядин актовъй залда райондин Къил Абдурагъм Алискерован, райондин Собранидин председатель Агъмед Агъмедован, прокурор Мизбаг Назирован, образованидин управленидин начальник Гъвейибег Шагъвеледован, образованидин работникрин, хуърерин мектебрин директоррин, муаллимрин, аялрин бахчайрин работникрин иштираквал авай августдин совещание кыле фена.

Образованидин къуллугъчийрин совещание райондин Къил Абдурагъм Алискерова вири муаллимриз, тербиячийриз цийи клелдай йис тебрикуналди ачухна. Райондин кыли образованидин хиле авай месэлайрикай, абур гялдай рекъерикай умуми ихтилатна. Малум хъайивал, райондин мектебриз муаллимарни бес жезвач. Алатай йисан ЕГЭ-дин нетижаярни района хъсанбур хъанвач, гъавилий аттестат къачуз тахъай выпускникар амукънава. Абдурагъм Алискерова ихътин гялар арадал атунин сеbebар мектебрин муаллимри, руководстводи хъсан квалах тухун тавунихъ галаз алакьалу тирди

лагъана. Ада образование ерилу авунин, аялрин чирвилер хкажунин жигъетдай вири жуьредин алахъунар авун чарасуз тирдакай ва куьмекарни гудайдакай ихтилатна.

Сифте гаф райондин образованидин управленидин начальник Гъ. Шагъвеледоваз гана.

- Гъуьрметлу муаллимар! Августдин совещание тухун гъар йисан адетдиз элкьвенва, - лагъана Гъ. Шагъвеледова. – 23-августдиз РД-дин Гъукуматдин кыл Артем Здунован регъбервилек кваз республикадин дережадин августдин совещание кыле фена. Анал ерилу ва алай аямдихъ галаз къазвай образование чи виридан кылин месэла тирди кьейдна. Чи района алай вахтунда образованидин 18 идара кардик ква. Исятда вири идараяр аялар къабулиз гъазур я. Кылди къачуртла, цийи клелунин йисаз гъазурвал акунин ремонтдин квалахар тамарнава, хуьтлуьн сезондизни гъазур хъанва.

Гъвейибег Шагъвеледова кьейд авурвал, мектебда клелдай вахтунилай вилик квай яшдин аялриз талукъ образованидин месэла тамамдиз гъализ хъанвач. Райондин вири аялриз бахчайриз фидай мумкинвал авач. Гъа са вахтунда

кардик квай бахчайрин тербиячийри, муаллимри чпин пешекарвилеин дережа хкажун герек я. И жигъетдай яз тербиячийри са жерге квалахарни тухванва, кылди къачуртла, сада-садавай тежриба кватлуни макъсадалди ачух тарсар, конкурсар, семинарар тешкилна.

Малум хъайивал, и клелунин йисалай 8-классарни ФГОС-дик аказва.

- Райондин мектебра гъвечи классра вири санлай 863 аялди клелзава ва 82 муаллимди абуроз тарсар гузва. Абурун гъазурлухвилеин еридиз образованидин управленидин ИМЦ-дин пешекарри кьимет гузва. И месэладиз талукъ яз гъакъикъи нетижаяр, гъалатлар ва теклифар къалурнавай кылдин брошюра чапдай акъуднава, – кьейдна Гъ. Шагъвеледова.

Ктабрин месэлаи важибллубурукай сад я. 2017-йисуз райондив 12934 экземплярдин къадарда аваз ктабар агакънава. Санлай абурун кьиметдин къадар 5035438 манат я. Совещанидал малум хъайивал, райондин мектебар ктабралди 71 процентдин таъмин я.



Муаллимрин адресдиз тебрикдин гафар райондин Собранидин председатель А.Агьмедова ва прокурор М.Назирова лагъана.

Совешанидал Усугъчайдин, Цийи Каракуьредин, Къалажухрин мектебрин директорар, Мискискарин мектебдин завуч ва

маса муаллимар рахана. Абуру мектебра авай гьаларикай, мектебар вини дережадиз акъудун патал вилик акъвазнавай месэлайрикай ихтилатна ва чпин тлалабунарни авуна.

Муаллимри авур бязи теклифар, тлалабунар райондин Кьил А.Алискерова хушдиз къабулна

ва абур вичин гуьзчивилик кутадайди лагъана.

Эхирдай Гь. Шагьвеледова райондин бязи мектебрин муаллимрив наградаяр, пишкешар вахкана.

Куругъли ФЕРЗАЛИЕВ

## Вичин буржи аннанмишай шаир

(Шаир Гуьлмегьамед Къазимегьамедович Шугаев дидедиз хъайидалай ннихъ 70 йис тамам хъуниз талукъ яз)

Чи райондин шаиррин арада Гуьлмегьамедан яратмишунри кьетлен ва мягкем чка къазва. Арбен Къардаша кхъизвайвал, Гуьлмегьамед Шугаеван къисмет рагъ алай, хъуьтуьлди хъанач. Гьар са халисан шаирдин къисметда хъиз, адани уьмуьрдин четинвилериз, синагъриз таб гана. Анжах рикI хци, дикъет экуь шаирди аквазвай гьахъсузвилерилай кам къачуна, а зидвилерин аксина хци, маналу чIалар яратмишна. Шихнесир Къафланован сухта хъайи ада, чIалан гуьзел имаратрин бинедалди жавагъирар хътин шиирар яратмишна.

Чи «Эренлардин сес» газетдихъ галаз рагъметлудан алакъяр лап мягкембур тир. Ина ада 2006-йисалай журналист яз, къилин редактордин заместитель ва мухбир яз кIвалахнай. Бажарагълу къелемдин стхади уьмуьрдин, яшайишдин жуьреба-жуьре терефра гьалтзавай нуксанрикай,



руьгъсузвилай, саймазвилай, меденивилдин агъуз дережадикай фельетонар, макъалаяр, зарисовкаяр, сатирадин шиирар яратмишна. Абуру газет кIелзавайбуру хушдиз къабулзавай. Вичин куьруь, амма маналу уьмуьрда шаир Гуьлмегьамед Шугаева жуьреба-жуьре йисара

«Ирид булахар» (2002-й.), «Ви назик вилер» (2003-й.), «Бубадин чуьнгуй», «Ашкъидин вир» (2010-й.) шииррин кIватIалар акъудна.

Журналистди хъиз, Гуьлмегьамед Къазимегьамедовича Миграгърин хуьряй акъатнавай бажарагълу инсанрикай очеркдин ктаб акъудна. Яратмишунрин рекъай савадлу бажарагъ авай шаир РФ-дин писателрин ва журналистрин Союзрин членвиле къабулна. 2010-йисуз шаир Г. Шугаеван «Ашкъидин вир» тIвар алай ктаб акъатна. И ктабда шаирди жуьреба-жуьре йисара кхъенвай шиирар гъатнава. Гуьлмегьамедан сифте шиирар «Лезги газетдиз», «Самур» альманахдиз 1965-йисалай акъатиз хъана. Ада вичин шиирар тIебнатдин гуьзелвилеиз, муьгъуьббатдин верцIивилеиз, уьмуьрдин ва яшайишдин важиблу терефар фикирда кьуниз бахшна кхъизвай.

Шагьбала ШАГЪБАЛАЕВ

## Рехъ туьхкIуьр хъувуна



Малум тирвал, 11-августдиз къвайи гужлу марфарин нетижада, Самур вацIа ятар бул хъуникди, Цийи Каракуьредин хуьряй физвай, республикадин метлеб авай автомобилрин рекъин эрчIи кьерех ци тухвана, улакьрин къекъуьниз хасаратвал ганвай. «Докъузпара район» МР-дин Кьил Абдурагъим Алискеров тади гьалда рехъ туьхкIуьр хъувунин къайгъуда гъатна. РикIел хкин, икъван гагъда райадминистрациядин къуватралди ва такъатралди Цийи Каракуьредин хуьряй элячIдай рехъ вахтуналди кардик кутунвай.



Исятда хаталувал арадал гъанвай участокда ремонтдин квалалахар тухванва.

28-августдиз рехъ ахъай

хыйидайдакай Дорстройтехдин компаниядин векил, квалалах тухузвай участокдин начальник Исрафил Омарова кьейдна. Гьакни ада ци

тухвай вацун кьерех, мал тухун тавун патал, мягкемар хыйизвай квалалахар давамарзавайдакай лагъана.

Чи мухбир

## 31-АВГУСТ РОССИЯДИН ВЕТЕРИНАРИЯДИН ПЕШЕКАРРИН ЮГЪ Я

# Гъайванрин къайгъуда

(Интервью)

И югъ сеbeb яз ва гьакни ветеринарри чпин квалалах гьикI кьиле тухузватIа чирун патал зун и мукъвара Докъузпара райондин ветеринарний управленидин начальник, Дагъустан республикадин лайихлу ветеринарний духтур Жалалов Къурбан Жалаловичахъ галаз гуьрушмиш хъана.


**- Къурбан Жалалович, куьне и алуькзавай ветеринарний кьулдугъдин пешекаррин югъ гьикI кьейдзава?**

- И югъ кьейд авун патал, 2014-ийсан 11-июндиз Россиядин Федерациядин Минсельхоздин министр тир Н.В.Федерова, акъуднавай пармани авай. Чна лагъайтIа, и югъ чи идарадин пешекарар вири кватIна, «элквей столдихъ» кьейдда. Гъанални чна райондин жемьтди хуьзвай гъайванрин гъал хъсан хъана, абурухъ са азарни галуьк тавун патахъай, къабулна кIанзавай месэлаяр веревирдзава ва хъсан квалалахзавай ветеринарний духтурриз пулдин пишкешарни гузва.

**- Райондин хуьрера шумуд ветеринарний духтурди квалалахзава, абуру квалалах гьикI тешкилзава?**

- Санлай къуртIа, района 18 ветеринарний духтурди, гьарда вичиз ганвай участокда квалалахзава. Абуру гъайванар хуьзвай иесийрин квалалерал физ, гъайванар сагъардай ва азаррин вилик пад къадай дарманар гузва, рапар язава.

**- Алай вахтунда райондин**



**къене азарар галуькнавай гъайванар авани?**

- Исятда азар галуькнавай са гъайванни авач.

**- Жемьтди хуьзвай гъайванрик азарар галуьк тавун патахъай куьне гьихътин серенжемар къабулзава?**

- Гьар йисуз ветеринарний духтурар, райондин гьар са хуьре авай гъайванар хуьзвай иесидин квалалел физ, абуру гъайванар сагъардай ва азаррин вилик пад къадай вакцинадин рапар язава.

**- Райондин ветеринарний управленидиз, Дагъустан республикадин ветеринарний комитетдай, герек къадар дарманар ахъайзавани?**

- Сифте кьилелай, гъайванрик азар акат тавун патахъай язавай вакцинадин дарманар бес жедай къадарда чаз ахъайзава. Муькуьбур лагъайтIа, азар акат авурдалай кьулухъ язавай дарманар бес жедай къадарра аваз чаз гузвач. ГьакI

хъайила, азарлу гъайванрин иесияр, герек тир дарманар пул гана, маса къачуниз мажбур жезва.

**- Куь пешекарар и квалалах тухудайла гьихътин четивилерал расалмиш жезва?**

- Гъайванриз сагъардай ва азаррин вилик пад къадай вакцинадин рапар ядайла, хуьрерин администрацийрин кьилери, жемьтдиз авай гъайванар, месэла, малар-хипер санал кватIна са юкъуз рапIар ягъун патахъай чаз куьмек гана кIанзава. Ихътин мярекатар тешкилун патахъай райондин Кьили акъуднавай 8 лагъай нумрадин серенжемни ава. Анжах чIехи пай хуьрерин администрацийрин кьилери и кардиз яб гузвач.

**- Райондин агъаллийри тукIваз маса гузвай гъайванрин якIарал кьуьне гуьзчивал тухузвани?**

- Икъван чIавадди жемьтди тукIваз, маса гузвай якIарал гуьзчивал тухуз жезвачир, вучиз лагъайтIа, абуру чаз хабар авачиз, акатай чкадал тукIваз, маса гузвай. И кардин вилик пад къуна, гуьзчивал тухун патахъай, райондин центрада кьилдин малар тукIваз, маса гудай дарамат эцигна кIанзава.

Эхирдай за райондин жемьтдивай тIалабзава, чпин гъайванриз сагъардай ва азаррин вилик пад къадай рапар ягъиз тун; эгер азар галуькъай гъайванар хъайитIа, тIалабзава, вахтунда ветеринарний духтурриз хабар гун.

Вадим АГЪАМУРАДОВ

## «Школа-2018» операциядин серенжемар

«Школа-2018» П4-37 с. Усугъчай ГКУ РД «ППС РД» операциядин пландихъ галаз рейсад

яз, 2018-2019-цIийи кIелунин йисуз «Докъузпара район» МР-дин образованидин маканра (мектебдин

ва мектебдиз фидалди яшда авай) цIаяр къуникай хуьдай гьалар гьикI тешкилнаватIа



ахтармишна. Усугъчай хуьряй экъечИдаила, 15 образованидин идарадал расалмиш жезва. Абурукай 10 мектебар ва 5 аялрин бахчаяр я. Миграгърин «Венера» твар алай аялрин бахча кардик кумач. 12 километрдин радиусда, пожарный частунивай яргъа 13 объект къутармишунин рекъяй серенжемар киле тухвана. Киле тухвай серенжемрин нетижади къалурна хьи, Къурушрин, Миграгърин, Къалажухдин, Къилерин, Каракуьредин, Текипиркентдин образованидин маканра шаяр туьхуьрунин рекъяй сифте яз герек жезвай цин гьамбарханаяр авач.



## «Чубарук» бахчада важиблу серенжем киле фена

Докъузпара райондин Усугъчай хуьруьн «Чубарук» аялрин бахчада «Залзала хъайи ва шай къур дуьшуьшра аялрин бахчадин къуллугъчийрин ва аялрин гьерекатар» темадай чирвилер гунин серенжем киле фена. Вердишвилерин серенжем садлагъана арадал къведай чуру дуьшуьшра авуна клани гьерекатриз къуллугъчийр ва аялар гьикI гъазур ятIа а х т а р м и ш у н и н м а к с а д д а л д и тешкилна.



Хатасузвилин культурадин йисан сергъятра аваз 2018-йисуз тухудай мярекатрин пландин бинедаллаз мярекат ГО-дин ва ЧС-дин крарин рекъяй тамам ихтиярар авайдан, ЕДДС-дин, АТК-дин 37-нумрадин пожарный частунин къуватралдини такъатралди саналди 24-августдиз киле тухвана.

Къилди къачуртIа, серенжемдин сергъятра аваз къетIен гьалара тапшуругъар къилиз акъудунин гъазурлухвал, чуру гьалар арадал атайла хабар гунин система, гьакIни хасаратрин

гьакIиндай виликамаз малумарунин жигъетдай тухузвай серенжемрин таъсирлувал ва икI маса месэлярни ахтармишна.

Аялар ва къуллугъчийр бахчадин дараматдай къецихъ акъудна. Администрациядин къуллугъчийри аялрин бахчадин коллективдиз залзала хъайи дуьшуьшда гьикI тухун лазим ятIа галай-галайвал ихтилатна. Дарамат юзай вахтунда къалабулук акат тавун ва 15-20 секундда тадиз дараматдай экъечIун герек тирди яб акалзавайбуруз чир хъана. Гъа са

вахтунда лап чарасуз документар, пул тади гьалда вахчуна, дараматдин гураарай ва я лифтинай экъечIун ва къецилни дараматдин мукъув акъваз тавун чарасуз тирди чир хъана.

Цъар къунин дуьшуьшар арадал татун патални меслятар гана. Месела, газ ахъа хъайи вахтунда шемер, спичкаяр, зажигалкаяр ишлемишун къадагъа я.

Мярекатдин сергъятра аваз, цъай хкадардай затIар ишлемишунин къайдайрикай, медицинадин рекъяй сифте куьмек гуникай чирвал гана.

Чи мухбир

3-сентябрь-Бесландин кърбандар рикел хуьдай югъ

## Фашизм тергна, терроризмни - тергда!

Россияда 3-сентябрь Кеферпатан Осетиядин Беслан шегерда кыле фейи мусибатдин вакъайрилай гугъуьниз терроризмдин аксина женг чIугвадай рейсавилин йикъаз элквена. 1995-йисан 13-мартдин (РФ-дин Президентдин кьарардалди) ам мягкемарна.

Бесландин террориствилин акт - Беслан шегердин сад лагъай школада аялар есирвиле кьунин гьерекал 2004-йисан 1-сентябрдин пакамахъ, школьникар цIийи кIелунин йисан шавдилерин цIиргъинал (линейкадал) алайла, кыле фена.

Къве югъни зуран вахтунда террористри 128 аял, гъа жергедай яз аялрин диде-бубаяр, мектебдин работникар хьиткьиндай затIар квай дараматда рикIивай ва руьгдивай эхиз ийиз тежедай шартIара залуквиле кьуна.

Пуд лагъай йикъан гунзарда школадин спортзалда хьиткьинардай затIар кардик кутуна. Зурба ялав арадал атуникди дараматдин са пай ушIена. Аялрик теспача гьерекал акатна, абурук мектебдай экъечIиз юзунар квай. Гъа и чIавуз ЦСН-дин ФСБ-дин Федеральный кьуллугъдин работникри гьужумдалди школадин дарамат элкьурна кьуна. Чпив чпин



махсус яракъ гвайбуру дараматда кыле фейи акьунра 28 террорист тергнавай. Тек са Нурпаша Кулиев чан аламаз кьуна. Ам уьмуьрлукъ яз дустагъламишна.

Есирда кьунвайбуру азад хьувунатIани, абурукай 314 кас кьенай, гъа жергедай яз 186 аял. 800 касдал жуьреба-жуьре хаталувал авай хирер хъанвай. И терактди 34 миллион манатдин зарар гана. Теракт тешкилунин рекъай жавабдарвал Шамиль Басаева вичел къачуна. Ада «Кавказ-центр» тIвар алай сепаратист чеченвийрин сайтда арза чапнавай. РФ-дин Генеральный прокуратуради 2004-йисан 1-сентябрдиз кьарагъарай гел тухунин

кIвалах кьени ачухди яз ама.

Теракт кыле тухунин нетижаяр сад мукуьдалай аслу тушир комиссийри, экспертрин дестейри ва жемьатрин тешкилатри ахтармишзама. Бязи месэляяр СМИ-йра гьуьжетрикни кумукъзава. Террористрин аксина РФ-дин Президент В.В.Путина кьунвай курс мягкемди ва гележег авайди я. Садр ада вичин рахунра лагъанай: «Фашизм тергнай, терроризмни тергда!». И гафар кардалди кье уьмуьрда кечирмиш жезва.

Шагъбала ШАГЪБАЛАЕВ

## Михьивал сагъламвилин замин я

Исламди инсаниятдиз михьивал хуьниз эверзавайди сир туш. Малум тирвал, михьивал – им сагъламвилин замин я. Михьивал хуьниз виридалайни таъсир ийизвай къайдайрикай сад, им фу недалди вилик гилер чухуьн я. Амма гзаф вахтара гъа ихьтин регъят амал, неинки аялриз ва гьакI чIехи яшда авайбурузни четин аквазва.

Ша, чна килигин, и кар чаз

вучиз герек къезватIа?!

Сад лагъайди, и амал чун патал важиблуди я, гьикI хьи, ада чун гъатта вилериз таквар чиркинрикай михьзава.

Къвед лагъайди, ам чаз суваб къазанмишдай Сунна я (и чIавуз ниятда Сунна хъайтIа).

Чи рикел аламайвал, гьвечIи чIавуз чун куьчедай кIвализ хтайдалай кьулукъ, фикирда тIуьн

аваз, чна гьасятда столдихъ еримешдай. Амма дидеди кIевивалдай ва чун гилер чухуьз рекъе гвадай. Вучиз?

«Чиркин гилерин азарар» тIвар алай са жерге азарар ава. Чиркин гилерал микробар къвердавай артух жезва. Инсандин бедендиз гъахъайла, абуру бегьем азарар арадал гьизва, гзафбур четин гьалда





сагъариз алакъзава.

И царар келзавайдаз эвер гуз кланзава: И гафар гъаклан бушбур яз къамир, анжах жуван аялривай и амал къилиз акъудиз тур.

Статистикадихъ галаз алакъалу яз, «чиркин гилерин азарар» себеб яз, дуьньяда гъар йисуз 1 млн 500 агъзур инсан кечмиш жезва. Им гъвечли рекъем туш! Эгер абуру гъа и гъвечли амал авунайга, абур къутармиш жедай хъи. Гъайиф хъи, и къайда къиле тухун тавурла, чандиз жезвай къурхудикай гзаф пай вахтара инсанри гъич фикирни ийизвач. Амма са бязибуру чпин кагъулвал себеб хъана, гилерин миъивал хуъзвач. И къайда чаз гъеле 1400 йис идалай вилик Мугъаммад Пайгъамбарди, салам ва хийир-дуьба хъурай алаз Аллагъдин патай, чирна ва ам къиле тухун патал, инсанриз са шумуд сеферда эвер гана: «Туьпин берекат, ам недалди вилик ва туьрдалай къулухъ гилер чухъуна ава» (Ат-Тирмизи, №1846).

Маса гъадисда лагъанва: «Низ вичин къвале авай берекат Аллагъди артухарна кланзаватга, къуй туьн недалди вилик ва адалай къулухъ гилер чухъурай» («Жами уль-гъадис», №45287).

Советрин вахтунда «Туьн недалди вилик гилер чухъух!»



гафар кхъенвай эвер гузвай плакатар гзаф столовыйра куьрсарнавай. А плакатори, туьн недалди вилик гилер чухъуьн лазим тирди, инсанрин рикел хкизвай.

Духтурри лугъузвайвал, «Чиркин гилерин азарар» - ибур вирусдин пневмония, гепатит, гриш, ОРВИ, ваба (холера) ва маса азарар я. ЮНИСЕФ-дин (ООН-дин Международнъи тади гъалдин ялрин фонд) делиралди, гъатга къен финикди гъар йисуз дуьньяда 5 агъзур аял кечмиш жезва. Эгер захутдиз фена экъечгайдалай къулухъ ва туьн недайдалай вилик гилер хъсандиз запундал чухъвенайтга, а къиникърин са паюникай хъайитгани къутармиш жедай. Икъван регъят амалди цуд агъзуралди инсанар

къутармишзава. Гъавилай Пайгъамбарди, салам ва хийир-дуьба хъурай алаз Аллагъдин патай, и къайда къиле тухун патал, чаз эвер гана, гъикл хъи, ада чи уьмуьр къулай, миъи ва риклиз хушди ийизва.

Мичигандин (США) алмир къейд авурвал, инсаниятдин анжах 5%-ди дикъетдалди гилер чухъуьза. Малум тирвал, гъилин хамунин 1 квадратдин сантиметрдал 1500 микроб яшамаш жезва. Гила фикир ая, чи са гъилел гъикъван микробар алатга?! Гъавилай, чан сагълам амуькун патал, туьн недалди вилик чна гилер чухъуьн чарасуз я. Гъикл хъи, миъивал сагъламвилдин замин я.

А. ЭМИРСУЛТАНОВ

## СПОРТ

# Бягъсиникай баян гана

Твар-ван авай спортсмен Жабар Аскерова жележегдин планрикай ва вичиз ийизвай теклификай ихтилатна.

«Алай вахтунда аз One FC-дихъ галаз икърар кутун теклифзава, амма ихътин теклифдал асаслу яз, маса промоушенра бягъсер тухудай ихтияр захъ жедач. Гъелелиг за теклиф къабулзавач. Заз Bellator Kickboxing ва маса тешкилатрик акахъиз кландай. Эхиримжи бягъс тухвайдалай къулухъ ял язава, амма мукъвара Мельбурндиз хъфида ва нубатдин бягъсиниз гъазурвал аквада.

Исятда Мельбурнда 17-ноябрдиз къиле фидай бягъсинин гъакъиндай ихтилатар къиле физва»,




- ихтилатнава Жабар Аскерова «Чемпионат» чешмедиз.

Малумарзавайвал, Жабарахъ галаз нубатдин бягъс къиле

тухудайди дуьньяда машгъур спортсмен хъун лазим я.

Лезги ФЕТГЪУЬЛЛАГЪ

# Кроссворд



**СУАЛАР:** 1. Халкьдин мецин куьруь, айгьамдалди са затлуникай хабар кьазвай эсер. 2. Жибиндин чукул. 3. Гамишдин шараг. 4. Кендирагь. 5. Муркьладин гьамбарар. 6. Кицин шараг. 7. Нуьк. 8. Пурадин лит. 9. Лезги писатель Межидан фамилия. 10. Талвар. 11. Гьулдандин симерин цил. 12. Ватандин дяведа кьегьалвилелди иштиракай лезги генерел-майор Якъубан фамилия. 13. Узбекистандин са шегьер. 14. Дон вацаллай шегьер. 15. Виляятдин кьиле авайди. 16. Грекрин мифда 12 гунар кьилиз акьудай кьудратлу кьегьал. 17. Балкан яргьаз кат тавун патал кьвачериз ядай еб. 18. Иракдин меркез.

Туйкьурайди - К.ФЕРЗАЛИЕВ

## Гьуьрметлу газет кьелзавайбур!

Халкьдин яшайишдин гьалар кьевера ва дарда твазвай, абурун игьтияжриз дуьзгьувилелди кишиг тийизвай, закондин истемешунриз яб тагана чпин кьвалахар ва кьуллугь идара ийизвай гьакимар гьукуматдин аппаратда гьеле кьери туш. Эгер са гьихьтин ятлани идарада куьн кимивилерал расалмиш жез, абуру пулар тлалабиз хьайитла, чаз газетдин работникриз хабар це. Чун куь тереф хуьн патал гьар са дуьшуьшда кьаришмиш жеда ва чуру кьвалахриз рехь тагунин карда гьахьвили даяхар яз акьвазда. И мураддалди чна, вири уьлкведа хьиз, "горячая линия" кардик кутазва. Тлалабава чаз чарар кьхин (кьуларни чугуна).

Чи редакция. Тел.+7 (8722) 55-14-61

**Скорая помощь ЦРБ Докъузпаринского района**

тел. 8 928 059 84 90, 8 989 868 03 00

## «ГОЛОС ЭРЕНЛАРА»

2001-йисан  
ноябрдилай акьатзава

### Тешиклайди:

Докъузпара райондин  
администрация,  
Дагьустан Республика

### Учредитель:

Администрация Докъузпаринского  
района, Республика Дагестан

### Кьилин редактор:

А. Э. ЭМИРСУЛТАНОВ

### Жавабдар секретарь:

К. Н. ФЕРЗАЛИЕВ

### Хуси корреспондентар:

Ш. О. ШАГЬБАЛАЕВ  
В. С. АГЪАМУРАДОВ

### Корректор:

Ш. О. ШАГЬБАЛАЕВ

### Верстка авурди:

К. Н. ФЕРЗАЛИЕВ

### Газетдин индексар:

Зур йисан кьимет - 241,86 м.  
Йисан кьимет - 483,72 м.

Чандиз вахкай вахт: 14:00

Чанзавай вахт - 17:00

Тираж 544

Редакциядинни макьалайрин авторрин фикирар сад тахьун мумкин я. Макьалайрин делшлрин дуьзвилини патлахвай жвааб авторри чни гьуда. Макьалайриз рецензия гьувач ва абур элкьвена вахкузвач. Мадни, чпин макьалайра дегьивилер тунал, кьилер дегьшарунал рази тушир мухбиривай чна абур редакциядиз ракьур тавун тлалабава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный  
номер ПИ №ТУ5 - 00256  
от 14 июня 2013 г.

Редакциядин,  
издательстводин ва  
типографиядин адрес:

368750, Докъузпара  
район, Усугьчай хуьр,  
тел.+7 (8722) 55-14-61  
e-mail:

golos-erenlara@mail.ru  
Чи сайт: www.erenlar.ru